

Møteinnkalling

Utvalg: **Arbeidsutvalg for Jotunheimen og Utladalen
nasjonalparkstyre**

Møtested: , E-postmøte

Dato: 27.10.2020

Tidspunkt:

Eventuelt forfall må meldes snarest til xxx. Vararepresentanter møter etter nærmere beskjed.

Saksliste

Utvalgs- saksnr	Innhold	Lukket	Arkiv- saksnr
ST 5/2020	Nasjonalparkstyret for Jotunheimen og Utladalen - Tiltaksmidler Utsiktspunkt Vettisfossen - forslag til organisering av prosjekt		2019/19735

Saksframlegg

Arkivsaksnummer: 2019/19735-14

Saksbehandlar: Kari Sveen og Eldrid Nedrelo

Dato: 26.10.2020

Utval	Utvalssak	Møtedato
Arbeidsutvalg for Jotunheimen og Utladalen nasjonalparkstyre	5/2020	27.10.2020

Nasjonalparkstyret for Jotunheimen og Utladalen - Tiltaksmidler Utsiktspunkt Vettisfossen - forslag til organisering av prosjekt

Innstilling frå forvaltar

Nasjonalparkstyret for Jotunheimen og Utladalen inviterer Utladalen Naturhus til eit samarbeid for å sikre og utvikle utsiktspunktet ved Vettisfossen.

Ei konkret samarbeidsavtale blir lagt fram for godkjenning i nasjonalparkstyret den 30 november.

--- slutt på innstilling ---

Dokument i saka

Nasjonalparkstyret, sak 9/2020 og 34/2020, med tilhøyrande bakgrunnsdokument.

Miljødirektoratet - Strategi for bruk av midler til tiltak i verneområder, 2020-2025.

Saksopplysningar

Nasjonalparkstyret har i sak 9/2020 prioritert 200.000 kroner av tiltaksmidlane for 2020 til forprosjekt nytt utsiktspunkt ved Vettisfossen. I møtet 8. september hadde ein under behandlinga av sak 34/2020 også ein kort diskusjon på moglege løysingar for finansiering av tiltaket. Ei prosjektorganisering med involvering av Utladalen Naturhus vart skissert som ei mogleg løysing. Dette vart gjort ut frå føringane som Miljødirektoratet har sett for tiltak av denne typen i sin *Strategi for bruk av midler til tiltak i verneområder, 2020-2025*:

Finansiering av større tilretteleggingstiltak

Midler til opprettelse av installasjoner som informasjonspunkt, toalettbygg og parkeringsplasser i tilknytning til verneområder, må være forankret i en godkjent besøksstrategi for å kunne bli prioritert. Tiltaksmidler kan brukes til (primært å delfinansiere) gjennomføring av denne typen tilrettelegging, og søknader til slike anlegg skal være godt begrunnet med bl.a. informasjon om besøkstall og

eksisterende bruk av området.

Vurdering

Jotunheimen/Utladalen er eit område med lange tradisjonar innan friluftsliv og naturbasert reiseliv. På dei mest kjende attraksjonane, som t.d. Vettisfossen med svært mange besøkande, er det stort behov for både informasjon, sikring og stiskjøtsel for å gje gjestene ei god oppleving og å førebyggje og reparere erosjonsskader. Vettisfossen er mykje nytta i marknadsføring i Årdal kommune og av destinasjonsselskapa. Data frå ferdselsteljing i 2020 syner at det i perioden 08.04-07.09.20 har vore om lag 30 000 besøkande som har gått inn dalen frå Hjelle. Ein reknar med at eit stort fleirtal blant desse legg turen inn under Vettisfossen, men nokon tek også turen til Avdalen, og til Vettismorki og utsiktspunktet ved fossen. God tilrettelegging og sikring i utsiktspunktet ved fossen er svært viktig.

Utsiktsplattform Vettisfossen, forprosjekt tilrettelegging og sikring

Plattformen var etablert før området vart verna, og i 2002 og 2009 vart det utført reparasjonar av installasjonen. Rampa og gjerdet ut mot Utladalen er i ei slik forfatning at innretningane enten må fjernast eller erstattast av eit nytt anlegg. Vettisfossen har slik attraksjonskraft at ein ser fjerning som heilt uaktuelt. For å gjera området sikrere og for å førebygge skader på vegetasjon og terreng må det settast i verk måretta tiltak. Tiltaket er av ein slik karakter at ein ser for seg behov for eit spleiselag mellom fleire partar. For å kunne søke om midlar frå eksterne kjelder (stiftingar, kommune, fylkeskommune, osv.) vil det vera ein fordel å ha ein ideell eller uavhengig organisasjon til å drive prosjektet. Dette vil også gjera det enklare å gjennomføre eit prosjekt som vil ha ei utviklings- og gjennomføringsperiode over meir enn eitt år. Midlane til nasjonalparkstyret blir som kjent løyvd med tidshorisont på eitt år knytt til Statsbudsjettet.

Gjennom tenestekjøp frå SNO har Utladalen Naturhus ei sentral rolle med skjøtsel og tilretteleggingstiltak i Utladalen, og med å føre tilsyn med anlegga. Nasjonalparkstyret for Jotunheimen og Utladalen meiner difor det kan vera aktuelt at Naturhuset har ei sentral rolle i det vidare arbeidet med utskifting av anlegget ved Vettisfossen. Nasjonalparkstyret ynskjer såleis å invitere Utladalen Naturhus med i prosjektet.

Forslag til prosjektorganisering

Dei ulike partane som vil bli berørt av prosjektet er grunneigar, reiseliv, friluftsliv/DNT Oslo og Omegn og eigarar av stølshus, samt Årdal kommune. Ein ser at dei ulike aktørane vil ha ulike mål for prosessen, og det kan vere naturleg å organisere arbeidet i ei prosjektgruppe.

Ein ser at det kan vera naturleg at nasjonalparkstyret fungerer som styringsgruppe for å halde prosjektet innan føringar gitt gjennom verneforskrifta for landskapsvernområdet, designmanualen for Norges nasjonalparker og tiltaksmidlane som nasjonalparkstyret rår over.

Ei prosjekt gruppe kan for eksempel ha desse partane:

- Utladalen Naturhus
- Utladalen Naturhus v/styrelisar
- Representant for grunneigar v/Vettisfamilien
- Årdal kommune
- SNO
- Nasjonalparkforvaltar

– Nasjonalparkforvaltar

Det vil vera naturleg at prosjektgruppa ved forvaltar og Naturhuset har ansvar for kontakten mot ekstern konsulent.

Alternativ kan vere ei breiare samansett styringsgruppe.

På bakgrunn av dei foreløpige drøftingane i møtet 8. september, synfaring 23. oktober og vurderingane over, tilrår vi at Nasjonalparkstyret for Jotunheimen og Utladalen inviterer Utladalen Naturhus til eit samarbeid for å sikre og utvikle utsiktspunktet ved Vettisfossen. Dersom styret i Naturhuset ønskjer å delta i samarbeidet, vil det bli lagt fram ein samarbeidsavtale med konkretisering av prosjektet til godkjenning i komande styremøte i Nasjonalparkstyret for Jotunheimen og Utladalen.